



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

6 e Theodorus Bischoff zũ Acyra in Galitia.

urn:nbn:de:hbz:466:1-41449

Aprilis

Item bey Lüttich auff dem Berg Cornelion starb Juliana die Jungfraw vnd Priorin desselben orts / vnd erhebt / rhüet sie in dem Kloster Bilariensi.

e Octauo Idus Aprilis.

Der VI. tag im April.

S Rom ist heut der geburtstag des H. Pappsts vnd Marteners Sixti des ersten / der ein Römer / vnd grosser liebhaber der Göttlichen Ehr. vñ des Christlichen Glaubens war. Schickete Peregrinum * mit andern in Frankreich / daß sie daselbst die Lucern des Glaubens / welche schier gar erloschen / wider anzünden solten. Hat in der Kirchen Regierung vil nutz geschaffet / vnd sein Hirtenstand mit Tugenten gezieret. Damit er aber Christum gewinnen möcht / hat er den zeitlichen tod gern gelidten zur zeit des Kayfers Adriani.

* Von welchem am 16. May.

Anno Dñi
128.

Item inn Macedonia der heyligen Marterer Timothei vnd Diogenis / die gewaltliche Marter gelidten haben.

Item des H. Bischoffs vnd Marteners Firmini / vnd seiner 25. Gefellen.

Item der H. Jungfrawen Celestine vnd anderer 8. Marterer.

Item zu Ancyra inn Galacia des H. Bischoffs Theodori / in weisheit vnd heyligkeit fürtrefflich / hat wider den Kesser Nestorium ein Buch geschriben / vnd darinn die Catholisch warheit verthädiget.

Anno Dñi
430.

Item in Dacia des H. Abts vnd Beichtigers Wilhelmi.

Item

Item zu Trecaß des H. Bischoffs vnd Beichtigers
Prudentis.

Item des H. Abts Werbemandi.

Item in Irland des H. Ardinarchensischen Erzbis-
choffs vnd Beichtigers Celsi/ vonn welchem S. Bern-
hardus schreibt.

Item zu Constantinopel der Geburtstag des gros-
sen vnd seligen Vatters Eutychij Constantinopolischen
Patriarchen / welliches leben mit wunderzaihen leuch-
tet.

Item des H. Pappis vnd Beichtigers Celestini des
ersten/ eines Römers / auß welches Namen das groß E-
phestinisch Concilium wider den Kezer Nestorium ge- Anno Dñi
halten ist worden. Vnder ihm haben die Hibernier/ bey 430.
Engeland gelegen / sich zu dem Christenlichen Glauben
beköhret.

f vij. Idus Aprilis.

Der VII. tag im April.

In Aphyca ist heut der geburtstag der H. Marten-
ner Epiphanijs des Bischoffs / Donati vnd ande-
rer dreyzehen iren Mitgesellen.

Item des heyligen Egesippi / so erstlich ein Jud /
vnd nahe zur Apostel zeit gelebet / darnach aber zu
Christenlichem Glauben beköhret / darumb daß er sa-
he / wie die Christen so vnerschrocken zu dem Leyden
vnd Tod giengen. Hat die Kirchisch Hystori vonn
dem leyden Christi an bis zu seiner zeit beschriben. Von
ihm selbs schreibt er also : Da ich inn der Platonischen
Sect gelehret war/ höret ich die Christen schmehen vnd
schenden/